

Visoki predstavnik poziva pet kantonalnih skupština da imenuju delegate u Dom naroda Parlamenta Federacije BiH

Visoki predstavnik, Valentin Inzko, danas se pismom obratio članovima kantonalnih skupština u Bosanskopodrinjskom, Sarajevskom, Tuzlanskom, Unsko-sanskom i Zeničko-dobojskom kantonu kako bi se osiguralo da skupštine u ovim kantonima izaberu delegate u Dom naroda Parlamenta Federacije BiH.

U svom pismu, visoki predstavnik je podsjetio pet kantonalnih skupština na obavezu koju imaju prema odredbama Ustava Federacije BiH i Izbornog zakona BiH, te upozorio da je predviđeni rok istekao i da nisu ispoštovali obavezu izbora delegata iz svojih kantonalnih skupština.

Visoki predstavnik je pozvao kantonalne skupštine da ispune svoju obavezu i izaberu delegate u Dom naroda Parlamenta Federacije bez daljnje odlaganja. "Podrazumijeva se da sve dok se ne formiraju Dom naroda Parlamenta FBiH i Dom naroda Parlamentarne skupštine BiH ovi nivoi neće moći usvojiti reformske mjere potrebne da se riješe ozbiljni socijalni i ekonomski problemi ove zemlje," upozorio je visoki predstavnik u svom pismu.

Visoki predstavnik također je pohvalio Centralnu izbornu komisiju BiH i izrazio podršku toj instituciji za napore koje je uložila u rješavanje ovog pitanja.